

MALTA

(šarena kraljica Mediterana)

27.03. – 01.04.2026. 6 dana / 5 noćenja

...mediteranski biser koji fascinira bogatom historijom, kulturom i drevnim gradovima.



Šarmira skladnošću ribarskih sela i živahnih turističkih središta...plavo more u kontrastu sa obalom zlatno žute boje, litice sa kojih se pružaju pogledi na pučinu koji zaustavljaju dah - TO JE MALTA...
Dozvolite da Vas povedemo u šarenu kraljicu Mediterana

Cijena aranžmana

Hotel CANIFOR 3* (<https://www.canifor.com>) 1.399,00 KM

Hotel BEST WESTERN PREMIER 4* (<https://bestwesternmalta.com>) 1.599,00 KM

Cijena aranžmana uključuje:

- Avio karta na relaciji Sarajevo-Malta-Sarajevo (Turkish Airlines; kofer do 30 kg + ručni prtljag do 8 kg)
- Aerodromske takse
- Smještaj u odabranom hotelu na bazi 5 noćenja sa doručkom u dvokrevetnoj / trokrevetnoj sobi
- Transfer aerodrom-hotel-aerodrom
- Eko taksa u hotelu
- Profesionalni vodič na našem jeziku tokom realizacije izleta i obilazaka
- Pratilac grupe i organizacija putovanja

Cijena aranžmana ne uključuje:

- Doplata za jednokrevetnu sobu: hotel Canifor - 290,00 KM; hotel Best Western Premier – 320,00 KM
- Putno-zdravstveno osiguranje (do 60god - 14,00 KM; od 60god. do 70 god - 28,00 KM preko 70god. - 35,00 KM)
- Osiguranje od otkaza putovanja - 45 ,00 KM
- Fakultativni izleti (**rezervacija i uplata izleta vrši se u agenciji**)
- Ručkovi i večere



PROGRAM PUTOVANJA:

1.dan / petak 27.03. SARAJEVO – ISTANBUL - MALTA

Okupljanje putnika 2 sata prije leta. Let iz Sarajeva za Maltu preko Istanbula u 08:15h. Po slijetanju na Maltu u 18:50h, te nakon pasoške i carinske kontrole transfer do hotela i smještaj. Nakon prijave u sobe ćemo otići u zajedničku šetnju da se upoznamo sa okolinom hotela.

Naš vodič će nam pokazati gdje se nalaze restorani, barovi, prodavnice

i zajednički možemo otići u neki od barova na glavnom Bugibba trgu. Povratak u hotel. Noćenje.

2. dan / subota 28.03. VALLETTA

Nakon doručka odlazimo na **fakultativni** izlet Valetta. Valletta je najmanji glavni grad u Evropi sa samo 7.000 stanovnika. Započinjemo šetnju **Vallettom**, gradom koji je pod zaštitom **UNESCO-a**. Glavni grad Malte izgrađen nakon Velike opsade 1565.godine i nazvan po velikom vladaru Jean Parisot de la Valette, Valletta je jedinstveni grad koji je za gospodu izgradila gospoda. Razgled započinjemo posjetom vrtova Barrakka - izgrađenih na uzvišenju Bedemi bastiona koji omogućavaju panoramski pogled na Veliku luku i Tri grada.



Proći ćemo pored bogato ukrašene katedrale St. Johns Co-Cathedral (**bez ulaska**), koja se smatra jednom od najljepših katedrala u Evropi, u čijoj se raskošnoj baroknoj unutrašnjosti ističe Caravaggiova slika kao i

crkveni muzej s prekrasnim zbirkama flamanskih tapiserija.

Nakon Katedrale vidjet ćemo Palatu Velikih majstora koja je rezidencija predsjednika Malte.

Slobodno vrijeme u Valletti. Povratak u hotel. Uveče možemo organizovati (**fakultativno, cijena po osobi 15 €**) zajednički odlazak u St. Julian. Ovaj gradić je poznat po luksuznim hotelima, mnogobrojnim restoranima i dobrim noćnim klubovima. Ovo malo nekadašnje ribarsko selo, koje je bilo naseljeno još u vrijeme prahistorije, otkrili su u 19.vijeku britanski namjesnici i prepoznali kao idealno područje za odmor. Povratak u hotel oko 22:30h. Noćenje.

3. dan / nedjelja 29.03. TRI GRADA, BLUE GROTTO I MARSAXLOKK....MALTEŠKO VEČE

Nakon doručka polazak na **fakultativni** izlet - obilazak **Tri grada** (3 City), tri stara utvrđena grada smještena u Velikoj luci - Grand Harbour: **Vittoriosa, Cospicua i Senglea**. Vožnja pored Cospicua dovest će nas do Vittoriose gdje ćemo prošetati kroz razne uske ulice u hladu mnogih historijskih zgrada i crkava. U Senglei ćemo moći da se divimo panorami sa prelijepe „vedette“, koja se nalazi u centru Velike luke. Odlazimo do Plave pećine (**Blue Grotto**). Pravo prirodno čudo, veličanstvena Plava pećina je mreža od šest pećina, koja se može pohvaliti najimpresivnijim pogledima i najbistrijim vodama koje Malteška ostrva nude. Idilično smještena na južnoj obali, ovo je jedna od najpopularnijih prirodnih atrakcija Malte. Nastavljamo naše putovanje prema **Marsaxlokku**, poznatom ribarskom naselju. Glavno ribarsko selo „luzzus“, obojeno tradicionalnim crvenim, plavim i žutim bojama koje daju živost ovom mirnom zaljevu koji je nekada bio mjesto prvog iskrcavanja Turaka tokom Velike opsade 1565. godine. Poznat po šarenim brodićima – Luzzu, koji sa prednje strane imaju oči koje štite ribare na moru. Prošetat ćemo do malteške pjazze (trga) duž krivudavih uskih ulica gdje modernizacija nije ostavila trag. Ukoliko vremenske prilike budu dozvoljavale možete se provozati brodićem do neke od pećina (cijena broda nije uključena, cca 10€ za vožnju koja traje cca 1 sat). Slobodno vrijeme za šetnju i obilazak lokalne pijace. Povratak u hotel. Uveče (**fakultativno**) odlazak na tradicionalno **Malteško veče** sa folklorom, degustacijom malteških vina, kao i tradicionalne večere sa zečetinom, malteškim raviolima, teletinom i nadaleko poznatim malteškim sirom. Nakon večere povratak u hotel. Noćenje



4.dan / ponedjeljak 30.03. GOZO I POPAJEVO SELO

Nakon doručka polazak (**fakultativno**) prema trajektnoj luci za **Gozo**. Gozo je agrikulturno središte, ali i mjesto koje na svom zapadnom kraju mami uzdahe posjetitelja svojim prirodnim čudima – isklesanim stijenama koje se unose u more i stvaraju mitske oblike. Najpoznatija je stijena Azurni prozor (**Azur Window**) koju je more izdubilo i u njenom središtu stvorilo gigantski otvor.

Priroda je uistinu magična! Autobusom idemo do luke,

pa zatim trajektom (45 minuta) do ostrva Gozo. Po dolasku na ostrvo obilazak glavnog grada ostrva **Victorie**, citadele sa prelijepim vidikovcem na cijelo ostrvo, plaži **Ramla** kao i preslatkom gradiću **Marsalforn**.

Slobodno vrijeme za šetnju i individualne aktivnosti. Povratak trajektom nazad i odlazak do **Popajevog sela**. U prekrasnom zaljevu na sjeverozapadu Malte nalazi se Popajevo selo, mjesto u kojem je živio čuveni junak iz crtanog filma, a danas ono predstavlja jednu od omiljenih atrakcija Malte i muzej na otvorenom. Za potrebe

snimanja filma o mornaru Popaju, 1979. godine režiser Robert Altman i ekipa od 165 ljudi izgradili su selo od 19 autentičnih kućica u šarenim bojama, danas poznato kao Popeye Village. **Za one koji budu željeli ući u selo biće omogućeno vrijeme (ulaznica se kupuje na licu mjesta i cijena je 15€).** U dogovoru sa grupom povratak u hotel. Noćenje.



5.dan / utorak 31.03. MDINA, RABAT, MOSTA

Doručak u hotelu. Nakon doručka (**fakultativno**) odlazak do **Mdine**.

Na ovom izletu imat ćemo priliku da upoznamo nekadašnju

prijestolnicu Malte. Ovaj srednjovjekovni grad sa svojim moćnim zidinama i stjenovitim ulicama, opravdava naziv „Tihi grad“ za razliku od moderne i dinamične Vallette. Obilazak započinjemo iznad glavnih vrata zidine, a ulazak kroz utvrđene zidine grada otkriva zadivljujuće palate koje su pripadale malteškom plemstvu. Tokom šetnje Tihim gradom, obići ćemo katedralu Mdina i impozantne bastione sa kojih ćemo imati mogućnost diviti se panoramskom pogledu na veći dio otoka.

Nakon posjete katedrale kratko ćemo prošetati uskim vijugavim putevima koji vode do područja katakombe Sv. Pavla i pećina Grotto. Nakon obilaska Mdine posjeta gradića **Rabata** i prelijepa katedrale u centru grada. Posjetićemo nadaleko čuvene katakombe u Rabatu gdje se nalazi i pećina Svetog Pavla u kojoj je on vršio prve hrišćanske obrede kada je 60-te godine posjetio Maltu. Dalje nastavljamo do gradića **Mosta**, te posjeta najvećoj i najpoznatijoj crkvi na Malti, **Rotunda of Mosta**. Osim što liči na rimski Panteon, ima i ogromnu kupolu koja je svojevremeno bila treća po veličini u svijetu.

Unutrašnjost katedrale je prostrana i impresivna, no ono što je još fascinantnije je jedan neobičan detalj vezan za kupolu, a to je Bomba.

Za vrijeme Drugog svjetskog rata nacističke zračne snage bombardovale su Maltu. Tokom bombardovanja 1942. godine bomba teška 500 kilograma pala je na crkvu baš tokom mise. Probila je kupolu, pala unutra, udarila u zid i otkotrljala se po podu. U jednom trenutku se zaustavila i nije eksplodirala. Naša zadnja današnja stanica biće plaža **Golden Bay**. Šetnja plažom, slikanje, te slobodno vrijeme za ručak ili kafe pauzu. Uveče možemo organizovati (**fakultativno, cijena po osobi 15 €**) Valletta noću – gostoljubiva, prijateljska i prepuna mjesta za opuštanje uz hranu i piće. Ne postoji glavni grad na svijetu poput Vallette, niti ijedan koji posjetiocu nudi toliko toga na tako malom prostoru. Želimo vam pokazati kako noću izgleda ovaj izuzetno fascinantan grad. Valletta je zaista utvrđeni grad, nekada bedem Evrope, s najimpresivnijim bastionima koje možete pronaći bilo gdje u svijetu. Povratak u hotel. Noćenje.



6. Dan / srijeda 01.04. MALTA – ISTANBUL - SARAJEVO

Doručak. Odjava iz hotela i transfer na aerodrom. Let za Sarajevo preko Istanbula u 10:50h. Slijetanje u Sarajevo u 19.45h. Kraj usluge.



CIJENE FAKULTATIVNIH IZLETA:


- Valletta – 55 €
- Gozo i Popajevo selo – 75 € (cijena karte za trajekt uključena)
- Mdina/Rabat/Mosta (ulaznice uključene) – 60 €
- Tri grada, Blue Grotto i Marsaxlokk – 60 €
- Malteško veče – 75 € (uključena večera sa tri slijeda, 1/2 l vina ili 1 sok, 1/2 l vode i kafa po osobi)
- St. Julian noću – 20 € po osobi
- Valletta noću – 20 € po osobi

NAPOMENA: Moguće uzeti paket izleta po cijeni 330 €

O MALTI :

Puno ime države: Republika Malta

Površina: 315 km²



Glavni grad: Valletta (7.173 stanovnika)

Službeni jezik: malteški i engleski /malteški jezik predstavlja neki čudan spoj sicilijanskog-talijanskog- afričkog i engleskog jezika

Pozivni broj: +356

Valuta: Euro

Članica EU

Struja: **Potreban adapter**

Važne napomene:

- Aviokompanija zadržava pravo promjene satnice letova, u skladu sa propisima koji postoje u međunarodnom avio saobraćaju. Agencija AIR LINE TOURS D.O.O nije odgovorna za otkazivanje, odgađanje, kašnjenje letova ili izgublenu prtljagu.
- Organizator i subagent, zadržava pravo promjene cijene u slučaju promjene kalkulativnih elemenata od strane avio kompanije (promjena cijene goriva, promjena cijene aerodromskih taksi).
- Ukoliko se ne ispuni kvota za minimalni broj prijavljenih putnika, agencija zadržava pravo otkaza aranžmana, o čemu je dužna pismeno obavijestiti putnike najkasnije 7 dana prije početka putovanja.
- **OTKAZ PUTOVANJA OD STRANE PUTNIKA:**
- 5% ako se putovanje otkaze od dana potpisa ugovora do 45 dana prije početka putovanja (blagovremeni otkaz)
- 10% za otkaz od 44 do 30 dana prije početka putovanja
- 20% za otkaz od 29 do 20 dana prije početka putovanja
- 40% za otkaz od 19 do 15 dana prije početka putovanja
- 80% za otkaz od 14 do 10 dana prije početka putovanja
- 95% za otkaz od 9 do 6 dana prije početka putovanja
- 100% ako se putovanje otkaze od 5 do 0 dana prije početka putovanja ili kada putovanje već započne, ili u toku putovanja
- Prilikom rezervacije, potrebno je uplatiti min. 40% od ukupne cijene aranžmana. Ostatak uplate najkasnije 20 dana prije polaska.